

## TIMÓTEO BEAPTUP PAULO EMUDUPMUBARARAKTUP XEPXEPATUP

<sup>1</sup>Timóteo, cartadup mubarararağ òn ewebe kato mujuaptum. Òn Paulo. Jesus Cristo emumuju òn Deus a'òbi. — “Jesus Cristo eju mũğ'i eyju jekukum pima, soat em Deus xe epesop eyetaít,” i juy ece ijodiacat pe — i juk o'e Jesus Cristo owebe.

<sup>2</sup>Timóteo, ěn okpot co'i. Ekukpin cĩcã oxe. Deus wuyebayat. Jesus Cristo wuykukukat. Deus eju òn kawĕnwĕn ewebeam.

— Xipan cuy Timóteo ejukuk — i òn e'em cebe. — Etabotaidabotbon cuy eguy cekay — i òn e'em cebe. — Ixe ağıymubabibin cuy eguy — i òn e'em cebe.

<sup>3</sup>— Bay, ěn xipat cĩcã — i òn e'em Deus pe. Warara'acat a'ò dağ ġu òn jekukum—ixe a'ò dağ acã. Wedobuyũ'ũm'ũm tak ixē a'ò dağ jekuku'uk ip osodop. Ocokcok ixē kay soat apĕn cedağ oxe iap tağ òn jekukum puye. Ixe eju òn kawĕnwĕn ewebeam soat em. Kabiam òn kawĕnwĕn ceweju, ixima dağ tak. <sup>4</sup> Gebum cĩcã òn ekay. Exewi ojĕm puje etĕn iap kay ġebum òn. Ejo pin cĩcã òn waram ocokcok am. <sup>5</sup> Gebum òn apĕn etabut Jesus Cristo kay iap kay. Jewexe ġu etabut cekay—icĕmãn. Koap pima eawa Lóide itabut osunuy cekay. Exi Eunice dak itabut osunuy cekay. Ixeyũ buxim ěn tak etabut cekay. Wetaybit cĩcã iboam. <sup>6</sup> Imĕnpuye òn jeãwĕ. Itbucayũ kukukan emuy buje, juk ocewebumōğ abi jeje.

Deus cuk ja'õbacaap o'jomõg̃ ewebe. Gebum cuy eguy iboap kay. Ixe a'õbacaam cuy ejeku. <sup>7</sup>Deus jebiõgbuk muõmõm wuywebe. Ixe biõgbuk wuymuparararan ġu—wuya'õmucanucan acã. Deus ja'õbacaap ùmùm wuywebe. Ya'õbacaap kuġ pima xipan kuka warara'acayũ ajukuk. Jewãwẽwẽm tak ajop ikẽrẽat muġẽap puxim.

<sup>8</sup> Itabut'ũmayũ odaomũn wuykukukat ekawẽn oġuwẽnuwẽn puye. Inaka esũsũn ġu juy eguy obuxim, daomũnmũnap'a be ma'ġu õn. Ebisũsũn ġu dak cuy eguy wuykukukat ekawẽn muwẽn ãm warara'acayũ be. Owebe ipiat'ajojoap puxim ipiat supi'ajo an ip ewebe ẽn ixekawẽn muwẽnnuwẽn puye. Ebu'um ġu juy eguy imuwẽn ãm ipi-atpi'ajojom ma'ġu. Deus ja'õbacaap je'ġũm ewebe. <sup>9</sup>Ixe Deus kuy wuydaxijo. Ixe kuy wuynaẽ jebek-itkiyũm. Ixe kuy wuynaẽ xipacat aġuġẽġẽ buye ġu—ixekawẽn pin puye acã, ixekawẽn wuykukpin puye dak.

— Xipacat oġũm soat pe Jesus Cristo kay itabucayũ be — i juk o'e Deus jewebe ma.

Imẽn cuk o'e jewebe ma ka'ũmġu ipi bimãn ma. <sup>10</sup>Ixe xipacat ùm pin osunuy soat pe iam wuyetaybit ġu juk adi ajop. ġasũ bit wuyetaybit ace. Wuyetaybit ace wuydaxijojo'ukat oajẽm puye. Jesus Cristo kuy oajẽm. Ixe Jesus Cristo xipacat ùmùm wuywebe. Ixe ce'ũ osunuy. Inaka waram ġuto o'jetait. Ixe wuye'ũ'ũap a'õbacaap o'ġu'ũm. Kawẽn idipat muwẽnnuwẽn cuk adi oekuku.

— Soat em eyetait epesop Deus xekawẽn eyewẽwẽn to-mukadi — i juk adi o'e'e wuywebe. Imẽnpuye Jesus Cristo kay wuyetabut pima, wuy-pararam ġu wuye'ũap puxim.

<sup>11</sup> Deus cuk onaẽ jemumujum.

— Wa'õbi juy kawẽn idipat muwẽnuwẽn eꝑuy — i juk o'e owebe. — Itabucayũ mutaybitbin cuy eꝑuy — i juk o'e owebe.

<sup>12</sup> Itabut'ũmayũ ipiatpi'ajojoan owebe, õn kawẽn idipat muwẽnuwẽn puye. Obu'u ɣu ma'ɣu oꝑuy wetabut am Jesus kay. Wetabut cuk adi oꝑuy cekay. Gasũ dak wetabut ma cekay, wetaybit cĩcã ixem puye. Wetaybit soat podi ma ixex ya'õbaca iam. Soat oꝑum cebe iap muxipanpan jeenuy jajẽmap kabia wiwim pima. <sup>13</sup> Kawẽn icẽmãn cuk adi õn emutaybitbin. Iboap ekawẽn taɣ cuy ejeku. Wekukuap puxim cuy ejeku. Etabun cĩcã juy eꝑuy Jesus Cristo kay. Xipan cuy warara'acayũ ejukuk. Imẽn cuy ajeku Jesus Cristo eju mũɣ'i wuyju jekukum pima. <sup>14</sup> Kawẽn idipat o'ɣuwẽn ip ewebe kuy bima. Gebum cuy eꝑuy iboap ekawẽn kay. Ibiõɣbuk xipacat omuy wuywebe—Deus biõɣbuk. Ixe biõɣbuk wuybuywatwan ixex ekawẽn kay ɣebum am.

<sup>15</sup> Ade Ásia eipi watwat'in cuk opere iap awẽɣ kuy eyawẽɣtobuxik. Fígelo ma ixeyũ'in osunuy, Hermógenes tak. <sup>16</sup> Onesíforo bit obuywatwat'uk osunuy.

— Xipan cĩcã juy Onesíforo ejukuk, ibadipyũ dak — i õn e'em wuykukukat pe.

Ixex isũsũn ɣu osunuy jajẽm ãm daomũnmũnap'a be ojo am. Pũɣ em ɣu ixex Onesíforo omucok-cokcoɣ—ade em ma. <sup>17</sup> Roma ka be jajẽm'isum okudadam oeku. Odobuxik puje acã oibu'un okudadam. <sup>18</sup> Etaybit Éfeso ka be bima soat em ixex obuywatwat'uk osunuy iam. Imẽneju:

— Wetabotaidabotbon cuy oꝓuy ekay kũyjobit'ũmayũ be ipiat'ajoap kabia be iam cuy Onesíforo eꝓutaybin — i õn e'em wuykukukat pe.

## 2

<sup>1</sup> Timóteo, ãn okpot co'i. Deus soat em xipan wuykuꝓ Jesus Cristo eju mũḡ'i wuyju jekukum puye. Imẽnpuye a'õbacaam cuy eꝓuy! <sup>2</sup> Adeayũ mutaybitbin cuk adi oꝓuy—emutaybitbin tak. ãn pukto iboam cuy cũḡ ma jekuku'ukayũ mutaybitbin eꝓuy ixeyũ be warara'acayũ mutaybin am.

<sup>3</sup> Ade itabucayũ ipiatpi'ajojom. ãn tak sorara buxim ebu'um ḡu juy eꝓuy ipiatpi'ajo am. Jesus Cristo esoraram cuy eꝓuy. Sorara buxim ixẽ a'õ kay acã juy kũyjobin eꝓuy. <sup>4</sup> Nopaḡõḡõm pima jeduk'a beat co'i'ũmḡu jekukum sorarayũ. Ja'õbi ḡu ip jekukum—jekukukat a'õbi acã. Imẽnpuxim Jesus Cristo a'õbi acã ejeku. <sup>5</sup> Cedaḡ ma o'jedau bima acã kuka o'jat jedauaptei warara'acat podi ma iwũncaat. Cedaḡ'ũm o'jedau bima bit, kuka o'jat ḡu. Imẽnpuxim ãn tak cuy cedaḡ ma ejeku. <sup>6</sup> Ku be ibukapik cĩcãat cuy koam jexat'am yabu. Imẽnpuxim ãn tak cuy ecekapik cĩcã Jesus Cristo beam. <sup>7</sup> Timóteo, ḡebum cuy eꝓuy wekawẽn kay. Wuykukukat cuy jemutaybin apẽḡape wekawẽn iam.

<sup>8</sup> Gebum cuy eꝓuy Jesus Cristo kay. Deus ixẽ Jesus Cristo o'ḡutait ce'ũap tomukadi. O'ḡuyu kabi kay. Davi naxeḡebit o'ḡuyu. Iboap cuk adi oḡuwẽnuwẽn kawẽn idipat muwẽnuwẽn pima. <sup>9</sup> Itabut'ũmayũ juk adi ipiat o'supi'ajojoat owebe, kawẽn idipat oḡuwẽnuwẽn puye. Íkẽrẽat murũḡrũḡ'ukat puxim ip odaomũn owebe kawẽn

idipat muwěğap puxim. Iměnpit iba'ore cebe ip kawěn idipat muwěğap mu'ũm ãm. Kawěn idipat muwěnuwěnap i'ũm ġu. <sup>10</sup> Iměneju wetaxi jĩã ipiatpi'ajo am Deus emunaěhěyũ be kawěn idipat a'ĩjo am. Wetaxi jĩã ixeyũ mutabut am Jesus Cristo kay. Deus ixeyũ dak idaxijo wuydaxijoap co'i. Deus dipap kuğ jeedop ip. Ixeyũ dak Deus xe jeedop wuyweju. Soat em wuyetaít acesop cexe. <sup>11</sup> Apěn cuk adi oğuwěnuwěn ewebe iap waram ġuto oğuwěn ewebe ġasũ dak. Iboap ekawěn icěmãn.

Wuybu'u'ũm pima wuye'ũ ãm Cristo bikuyap tağ wuyekuap ojuj, ixexeweyetaít, i.

<sup>12</sup> Ipiatpi'ajo am wuyetaxi bima, ijodiacat kukukayũm acesop Cristo eju, i.

“Ōn pit Cristo ebekit ġu,” i wuyju e'em pima, “Eyju dak webekitkiyũ ġu,” i je'e wuywebe ixedak, i.

<sup>13</sup> Wuyju ixekawěn epereperem. Cristo bit ja'õmuwarururun ġu. Ixeweyetaít em e'em apěn cuk adi o'e'e iap tağ, i.

<sup>14</sup> Owebe awěwěap cuy eğuwěn ebekitkiyũ be ġebum ip top am. Eğutaybitbin cuy ip.

— “Epeyewa'õxikxik ġu juy,” i õn e'em eywebe Deus topabe — i juy ece cebe ip.

Jewa'õxikxiğ pima ip ya'ĩjojomayũ buywatwan ġu ip—ixeyũ mubu'u'un acã jetabut am Jesus Cristo kay. <sup>15</sup> Soan ma ece Deus pe “Cũğ ma ěn jekukum oxe” i'e am ewebe. Cũğ ma juy kapikpiğ eğuy esũsũnap puxim Deus pe ekapikap coan. Kawěn icěmat cuy eğutaybitbin—Deus ekawěn. <sup>16</sup> Te'e ma jewa'õxikxiğ ip adeayũ. Deus pit cekawěn kay ġu ip. Ixeyũ ekawěn coco'ukayũ biğ ma Deus kay ġu

e'em. Jawa'õxikxiğ ġu juy eġuy ixeyũ eju. <sup>17</sup> Ot'ũ'ũ wuyẽn mu'ũmu'ũm. Imẽnpuxim ixeyũ wuyumtaybitbin pima wuyetabucap kuka o'ġu'ũm ip. Wuymubu'un kuka ip Cristo kay wuyetabut am. Himeneu ixeyũ'in Fileto dak. <sup>18</sup> Pũğpũğ itabucayũ'in ixeyũ ekawẽn kay itabut o'e. Imẽnpuye oibu'un ip Jesus kay. Jetabucap o'jepere ip e bewi itabidaoat puxim.

— Deus kuy itabucayũ'ũm'ũm o'ġuyu kabi kay — i napa ma e'em ip itabucayũ be. — Wuyiwat xeku — i napa ma e'em ip.

Imẽn ip itabucayũ mu'ukpiceğẽğẽn Jesus kay. <sup>19</sup> Wuyju bit acejepere ġu wuyetabucap, kawẽn cũğat kay wuyetabut puye. Cem ma uk'a muy buje, ya'at'et ġu. Imẽnpuxim kawẽn cũğat kay wuyetabun puje, acejere ġu dak. Deus ebekitkiyũ wuyju. Imẽn e'em Deus ekawěntup:

Wuykukukat itaybit abuyũ webekitkiyũ iam, i. Wara'atup e'em:

“Deus ebekit õn” i'e'e'ukat ikẽrẽat mujurũğrũğap cuy jepere, i dak e'em Deus ekawěntup.

<sup>20</sup> Ya'ade opop ibubut mũn'a'a yabo'gat'a be—ibubut adeat tuk'a be. Ouro muğẽğẽ'a opop, prata muğẽğẽ'a dak, ip muğẽğẽ'a dak, wuynõm muğẽğẽ'a dak. Pũğpũğ'a kuğ ip soat kabia. Wara'at'a kuğ pit ip xipacat ebapuk puje acã, ya'õbuyxiat ajẽm puje acã. <sup>21</sup> Ikẽrẽat mujurũğrũğap epere buje wuyju dak xipat acesop wuykukukat Jesus xe.

— Obuywatwan cuy eġuy, xipat ãn oxe buye — i je'e wuywebe. — Ocokcok cĩcã ekay — i je'e wuy-

webe, wuyağuyisu buye, ikērēat mujurūgrūğap kuy acepere buye dak.

<sup>22</sup> Yaypan'isuayū etabikukuap kay ġu juy eğuy. Cūğ ma juy ejeku Deus etabutpe. Etabun cuy eğuy Jesus Cristo kay. Ikukpin cuy soat ejukuk. Kaba'ūm cuy eğuy warara'acat eju. Imēn ma jekukum ip— “Ocekukukat, ocebuywatwan cuy eğuy” i'e'e'ukayū—Deus emumuisunyū.

<sup>23</sup> Ecekawēn ġu juy jewa'ōdawutwut'ukayū eju, warēmtağ ma kawēnwēn'ukayū eju dak. Jawa'ōxikxiğ acã ip. <sup>24</sup> Wuykukukat buywatwat'ukat pit jewa'ōxikxiğ ġu juy. Xipan cuy soat jukuk. Xipan ma juy soat mutaybitbin jeenuy. Yukupiceğēm ġu juy warara'acat jukuk.

<sup>25</sup> Wuymuymuy'ukayū mukūyjobitbin pima, wuya'ōpuruğ ġu juy acekawēn ceweju ip. Ibuyxim cuy ip ajukuk. Guyjom paxi Deus ixeyū ġubu'un ikērēat kay am. Ixeyū aco'i ġutabun kawēn icēmat kay. <sup>26</sup> Kuy bima ibiōğbuk kērēayū kukukat ixeyū o'jat puca buap puxim. Ibiōğbuk kērēayū kukukat bikuyap tağ ip jekukum ġasū. Gaxīn ma aco'i ġuto ip yağuyisan. Ibu'un aco'i kuka ip ibiōğbuk kērēayū kukukat a'ō kay nobano'abibubu bewi puca o'kap iat puxim.

### 3

<sup>1</sup> Amap kabia iba'ore jījã je'e itabucayū be Deus ekawēn tağ jeku am adeayū ikērēat ġujurūgrūğ puye. Gbum cuy eğuy iboap kay. <sup>2</sup> Jewekay acã ġebum jeedop ip ijodiacat. Itabikuku jījã jeedop ip dinheiro kay.

— Soat podi ma oca'ōbuyxi — i je'e ip napa ma.  
— Ka'ūmġu ocejo'iat ya'ōbuyxiat — i napa ma je'e

ip.

Warara'acat ekawēn mukērērērēn jeedop ip.

— Ēn xipat cīcā — i'ūmǵu je'e ip, warara'acat xipacat ūmūm ma'ǵu cebe ip.

Kūyjobit ǵu jeedop ip jebay a'ō kay, jexi a'ō kay dak. Ibuyxim ǵu ip Deus jukuk. Ixe kay itabucayū dak jukuk ip ibuyxim ǵu. <sup>3</sup> Abu jukuk ikukpin? Ka'ūma ma. Ya'ōpuruǵ ip soat jukuk. Warara'acat muymuyxi jeedop ip. Jewawēwēm ǵu jeedop ip ikērēat kukap puxim. Dao ma ip etakomamān. Xipacat kay ǵu jījā jeedop ip. <sup>4</sup> Jebureyū tujowat ip cekay itakomaayū be yaoka am. Warēmtaǵ ma jeku ip. Jewexe yoboǵ cīcāayūm jeedop ip. Deus mucokcok pin ǵu jeedop ip—jewemucokcok pin acā.

<sup>5</sup>— Oceju dak Deus ebekitkiyū — i napa ma je'e ip warara'acat pe.

Inaka itaybit ǵu jeedop ip Deus a'ōbacaap kuk am. Deus bikuyap taǵ ǵu jeku ip—jebikuyap taǵ acā. Ixeyū burem ǵu juy eǵuy, ēn pit. <sup>6-7</sup> Ixeyū'in aoyū muǵuykukukum—yaǵuy'ūmayū muǵuykukukum. Ixeyū aoyū ikērēat mujurūǵrūǵ soat em.

— Ikērēat kuǵ oceju — i'e'em ip ixeyū aoyū.

Inaka ikērēat mujurūǵrūǵap epereperem ǵu ip. Iparara ip Deus ipiat supi'ajoat ocewebe iap puxim. Inaka kūyjobit pin ǵu ip Deus pe jedaxi-joan. Jewexe ip kawēn icēmat kudadam. Jewexe jewemutaybitbin ip. Inaka itaybit pa'ore cebe ip kawēn icēmān. Imēnpuye imuǵuykuku'ukayū ōmōm ixeyū aoyū duk'a be. Warēmtaǵ imutaybitbin ip.



— Ocekawēn tağ cuy epeku eyejuap puxim ipiat'ajojoap kay — i'e'em ip cebe ip napa ma. Imēn aoyū muğyukukukum ip kawēn icēmat tobuxikap puxim. <sup>8</sup> Moisés kawēn icēmat muwēnuwēn'uk osunuy Deus a'ōbi kuyje. Janes Moisés a'ō kayğu jĵã osunuy, Jambres tak. Kawēn icēmat kay ğu jĵã osodop ip. Imēnpuxim ixeyū ağokatkayū warara'acayū muğyukukukum ixeyū be kawēn icēmat kayap puxim. Yağuy'ūm ip. Jesus kay jetabucap ip o'jepere. Itabut'ūmat co'i ip Deus xe. <sup>9</sup> Soat em ğu bit ijodiacat ğuğyukuku ip—xepxep kabia ã. Guyjom soat ijodiacat je'e cebe ip:

— Ajo am eyetaybit? Ka'ūma am ma! — i. Imēnpuxim kuyjeayū'ūm'ūm o'e Janes pe, Jambres pe dak.

<sup>10</sup> Bekit, etaybit cĳcã apēn ōn jekukum iam, apēn ōn warara'acat mutaybitbin iam tak, apēn obikuy Deus bikuyap tağ weku am iam tak. Etaybit apēn wetabut Jesus Cristo kay iam, apēn wuypiceğēm ğu ōn warara'acat kuğ iam tak, apēn ikukpin warara'acat kuğ ōn iam tak, apēn wetaxi ipiat'ajo am iam tak. <sup>11</sup> Itabut'ūmayū juk adi ikērēm okuk. Ipiat cuk adi o'supi'ajoat ip owebe. Ikērēm cĳcã juk adi ip okuk Antioquia ka be bima, Icônio ka be bima dak, Listra ka be bima dak. Ade em cuk adi ipiat osupi'ajojo. Wuykukukat Jesus pit odaxijo ixeyū bui bewi. Etaybit iboam. <sup>12</sup> Jesus Cristo eju mūğ'i wuyeku am wuybikuy bima, itabut'ūmayū ipiat supi'ajoat wuywebe, Deus ekawēn tağ wuyeku am wuybikuy bima. <sup>13</sup> Biğ ma ip ikērēat ğujurūğ xipat'ūmayū—warēmtağ ijodiacat mutaybitbin'ukayū. Warara'acat

muḡuykukukukum ip jeku. Jewemuḡuykuku dak ip. <sup>14</sup> Ĕn pit apĕn ōn cuk adi emutaybitbin iap taḡ cuy ejeku—apĕn wuybadipyū juk adi emutaybitbin iap taḡ tak. Etaybit cīcā icēmān oceju juk adi emutaybitbin iam. Imĕnpuye ocekawĕn kay etabun cīcā juy eḡuy. <sup>15</sup> Bekin pin ma Deus ekawĕntup coco'uk eḡuy. Etaybit oxe ekawĕn. Ibodup cocom pima wuyetaybit acesop apĕn Deus wuydaxijom Jesus Cristo kay wuyetabun puje iam. <sup>16</sup> Deus a'ōbi kuyjeayū'ūm'ūm ixe ekawĕntup o'tupmubararak—soatup. Iboaptup ekawĕn xipat cīcā kawĕn icēmān wuymutaybit am. Xipat cīcā ikĕrĕat mujurūḡrūḡ'ukayū muḡuycūḡ ām ikĕrĕat kay. Xipat cīcā ikĕrĕat mujurūḡrūḡ'ukayū mubikuy am ikĕrĕat mujurūḡrūḡap eperē am. Xipat cīcā itabucayū mukūyjo am Deus bikuyap taḡ jeku am. <sup>17</sup> Ibodupkuḡ pima wara'at kay ḡu je'e ip itabikuku Deus buywatwat'ukayū. Soat kuḡ kuy ip. Ibodup kuḡ pima, iba'ore ḡu je'e ixeyū be xipacat muḡĕ ām—iwarururuat muḡĕ ām.

## 4

<sup>1</sup> Deus etabun ḡasū ōn awĕm, Timóteo, Jesus Cristo etabun tak. Ixe Jesus Cristo apĕn cuk adi oekuku ip iaptei ideida soat pe—itabĕḡayū be, ce'ū'ūayū be dak. Ixe Cristo waram jajĕm. Ip-iat supī'ajoat ikĕrĕat mujurūḡrūḡ'ukayū be ikĕrĕat ip o'ḡujurūḡrūḡ iapteim. Xipacat pit je'ḡūm jebekitkiyū be—xipacat mujurūḡrūḡ'ukayū be xipacat ip o'ḡujurūḡrūḡ iapteim. <sup>2</sup> Soat kukukan je'e ixeyū eju—jebekitkiyū eju. Imĕneju Deus ekawĕn cuy eḡuwĕnuwĕn soat pe. Cekawĕn cuy

eġuwēnuwēn imuwēn pa'ore ewebe bima, imuwēn pa'ore'ūm pima dak. Warēmtaġ ma ceku'ibiyū juy eġukorēmrēm.

— Ikērēat mujurūġrūġap cuy epeyepere — i juy ece cebe ip. — Eyetabun cuy Jesus kay — i juy ece cebe ip.

Eya'ōmucanucan cuy ip ixeyū be cūġ ma jeku am. Ekpiceġē ġu juy ixeyū eġutaybitbin. <sup>3</sup> Guyjom kawēn icēmat com ip ibu'un adeayū. Jekpiwan ma ip jewemucokcoġ. Warēmtaġ ma imutaybitbin'ukayū tomuwā ip jemutaybit am. Ya'ġjo pinap acā ip ġuwēn cebe ip. <sup>4</sup> Kawēn icēmat a'ġjojoap jepere ip. Warēmtaġ e'e'ukayū ekawēn kay acā je'e ip—aypapayū'ūm'ūm ekawēn kay acā. <sup>5</sup> Ēn pit, Timóteo, aġuysan cuy eġuy warēmtaġ ekuap puxim. Etaxim cuy eġuy ipiatpi'ajojom pima. Kawēn idipat cuy eġuwēnuwēn soat pe. Deus cuk enaē kapik am cebeam. Imēnpuye soat em cuy ix beam kapikpiġ eġuy.

<sup>6</sup> Ōn pit ġaxīn ma oaoka ip. Apēn kuyje Deus etabutpe wūnca aokakakaap puxim ip oaoka. ġaxīn ma ojēm ijodiwi kobe o'jenapōn iap puxim. <sup>7</sup> Sorara xipacat puxim ōn kapikpiġ Jesus Cristo beam. Pūġpūġ daudau'ukayū'in cedaġ ġu jedaudaum ip. Ixeyū buxim ġu ōn pit. Cedaġ ma ojekuku—Deus ekawēn taġ. Pūġpūġ ixeyū'in taobu'u e'em ip jedau am. Ixeyū buxim ġu ōn pit. Obu'u ġu oġuy Jesus kay wetabut am. <sup>8</sup> Daudauat iwat tumūntuptup mōġmōġ iwūncaat a be soat etabutpe. Soat etabutpe dak wuykukukat Jesus je'e owebe:

— Ēn xipat Deus xe ix beam emucūġ kuy buye — i.

Imēn ixē je'e waram jajēm puje—kūyjobit'ūmayũ be ipiat'ajoap kabia be. Wuykukukat cūg cīcā. Ixe wuyekukuap cocom—soat cocom.

— Eyju xipat Deus xe ixē eymucūg kuy buye — i je'e warara'acayũ be dak—ixē ajēmap wiwi'ukayũ be—jekayayũ be.

<sup>9</sup> Bekit, gaxĩn ma juy ejot ojom. <sup>10</sup> Kuy ip o'jēm oxewi oxē osodop'iyũ. Demas itabiku o'e ijodiat kay jebubun. Imēnpuyē opere. O'ju Tessalōnica ka kay. Crescente o'ju Galácia eipi kay. Tito o'ju Dalmácia eipi kay. <sup>11</sup> Lucas acā oxē jeenuy. Marcos cuy etakoy. Ixe juy etojot eweju okay don pima. Ixe xipat cīcā je'e obuywat am Deus ekapikap pe. <sup>12</sup> Kuy Tíquico oġuju Éfeso ka kay. <sup>13</sup> Weekabek cuk osuiwat Trōade ka be. Carpo duk'a be juk osuiwat. Ibo juy etojot don pima. Obubutup tak cuy etuptojot okay ixēemugēgēdup.

<sup>14</sup> Alexandre juk adi ikērēm cīcā okuk—icaat muġēgē'ukat—ferro muġēgē'ukat. Wuykukukat cuy ideida cebe warēmtaġ okukaptem. <sup>15</sup> Ixe wuya'ōxixkixi jījā osunuy. Imēnpuyē eday'em'um cuy eġuy cekay ixē be ikērēm ekukap puxim.

<sup>16</sup> César ebekitkit wap òn jewedayoyom pima, ka'ũma ma o'e:

— Teku xipat cīcā—ikērēat o'ġugē ġu — i.

Soat ma ip oiwat. Òn pit obu'u Deus pe “Ikērēat kuġ cīcā eyju oxē, Palo epesuiwat puyē” i'e am cebe ip. Imēnpuyē:

— Bay, etakomām ġu juy cekay oiwat ma'ġu ip — i òn e'em Deus pe.

<sup>17</sup> Ixeyũ ma juk opere. Wuykukukat pit oiwat ġu. Oxe ma osunuy. Ixe obuywatwat'uk osunuy owebe Judeu'ũmayũ mukũyjo am kawẽn idipap—soat em imukũyjo am. Ixe juk odaxijo leão buximayũ bui bewi—ika'uat puximayũ bui bewi.

<sup>18</sup> Wuykukukat odaxijo ikêrêat mujurũğrũğ'ukayũ bui bewi—soat pui bewi waokaap puxim. Ġuyjom odujuu soat em jexe onuy am kabi be. Ixe soat ka watwak kukukan je'e.

— Ĕn soat podi ma edipap kuğ — i juy ace cebe—wuykukukat pe. Imẽn cuy ace cebe.

<sup>19</sup> Kato i juy ece soat pe—Priscila be, Áquila be dak, Onesíforo badipyũ be dak. <sup>20</sup> Erasto Corinto ka be omuy. Trófimo juk osuiwat Mileto ka be iwãtaxipi buye. <sup>21</sup> Ejot cuy okay ihi wap. Ĕubolo e'em: — Kato — i juy ewebe, Prudente dak, Lino dak, Cláudia dak, soat warara'acayũ dak—wuykitpitpiyũ.

<sup>22</sup> Ōn kawẽnwẽn wuykukukat eju ewebeam.

— Bay, Timóteo a'õmucanucan cuy eğuy soat em — i õn e'em cebe. — Bay, xipan cuy soat itabucayũ ejukuk — i õn e'em Deus pe.

Ibũrũ ma.

**Deus ekawẽntup Kawẽn iisuat ekawẽn  
New Testament in Mundurukú (BR:myu:Mundurukú)**

copyright © 2010 Wycliffe Bible Translators, Inc.

Language: Mundurukú

Translation by: Wycliffe Bible Translators, Inc.

Mundurukú [myu], Brazil

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Mundurukú

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 11 Nov 2022 from source files  
dated 29 Jan 2022

82289dff-6b79-5335-974c-563b93a888ae